

han-hemen

Juan Valdezek Kolonbiako kafea iragartzen jarraituko du

Kolonbiako kafearen iragarkietan egin zen famatu Juan Valdez, haren astoaren batera. Eta kafearen sektorea azkenaldian krisian badago ere, kafe egileen federazioak esan du Juan Valdezen irudiak jarraituko duela Kolonbiako kafea iragartzen. Carlos Sanchez da Juan Valdez pertsonaiarena egiten duen gizona, eta Conchita astoarekin Tokion dago egunotan (Japonia), sustapen lanetan. Juan Valdez eta haren astoaren pertsonaiak New Yorkeko publizitate agentzia batek asmatu zituen, 1960an.

Italiako presidentek ere espaziora joan nahi du

Espaziorako lehenengo bidaia turistikoa martxan den honetan, Italiako Errepublikako presidentea Carlo Azeglio Ciampi ere espaziora joan nahiko lukeela esan zuen herenegun, «nahiz eta horretarako zahalregia egon». Italiarra da espaziora abiatu den lehenengo turista, eta harekin zuzenean hitz egin zuen presidentek. «Estatubururen bat espaziora bidaltzea erabakitzen badute, neuk ere erreserba egingo dut», gaineratu zuen.

Liburuaren aurkezpena eskopetarekin azaldu da

Finlandiako presidentea ohi Mauno Koivisto eskopeta batekin azaldu zen atzo egin zuen liburu aur-



YUN JAI-HYOUNG / EFE

Munduko Futbol Txapelketako maskotak kalean dabilta

2002an Korean eta Japonian jokatu da Munduko Futbol Txapelketa, eta Ato (ezkerrean) eta Nik (eskuinean), maskotak, hasi dira jada txapelketa haurren artean sustatzen.



MARTIN MEISSNER / AP

Gimnastika egiten

Lucia, Koloniakoa, *Health Flyer* makinan ari da jostatzen, Gimnastika eta Denbora Libreko Nazioarteko Topaketetan. 23 herrialdetatik joandako 450 erakusle bildu dira bertan, eta kirola egiteko hainbat makina eta jantzi erakutsi dituzte.



J.C. CARDENAS / EFE

Tximuak telebistari begira jarri dituzte, esperimentuak egiteko

Valentziako zoologikoko argazkia da goikoa. Tximuen kioletan telebista aparailuak sartu dituzte, tximuen entretenitzeko ohituren inguruan ikertzeko. Argazkiko tximuari *The kind lion* marrazki bizidunak jarri dizkiote, eta telebistak tximuen arreta bereganatu duela esan daiteke behintzat.

kezpena. Hain justu, berak idatzitako *Koulussa ja sodassa* (*Eskolan eta gerran*) liburuaren itzulpena aurkeztu zuen, eta liburu horretan II. Mundu Gerran soldadu moduan berorrek izandako esperientziak kontatzen ditu. Hala, justu liburuan deskribatzen duen eskopeta nola den esplikatzeko eraman zuen eskopeta aurkezpena.

Antonio Banderas Fidel Castroren defentsan, zineman

Antonio Banderas aktorea Fidel Castro Kubako presidentearen defentsan agertzeko prest dago, bai-

na zineman, *Infidel* filmean. Filma Robert Rodriguezek zuzenduko du, eta Banderasek berak ekoitzi-ko du ziurrenik.

Bi ordutan saldu dira Madonnaren kontzerturako sarrerak

Madonna abeslari estatubatuarrek Londresen datorren uztailaren 4an eskainiko duen kontzertuak ikusmin handia sortu du. Atzo jarri zituzten sarrerak salgai, eta bi ordutan saldu ziren guztiak. Horregatik, beste hiru ere eskainiko ditu Londresen bertan: maiatzaren 6an, 7an eta 9an.

hilberriak

ESKELAK

Gaueko 9ak arte hartzen dira



(0034) 943 300 222



Miren
Arteaga
Abrisketa

LEHEN URTEURRENA

— Goian bego —

2000ko apirilaren 22an hil zen, 76 urte zituela, Elizakoak eta Aita Santuaren bedeinkapena bartzu ondoren.

Erraza izan zen zu maitatzea.

Ezinezkoa ordea, zu ahaztea.

Beti gurekin izango zara.

Zure familia

Haren senarra: Ricardo Ibarondo Arriortua; seme-alabak: Lurdes Ibarondo Arteaga eta Rafael Marzana Untzila; koinatu-koinatak, lobak, lehen-gusuak eta gainerako senideak.

Haren arimaren alde otoi bat eskatzen dizute, eta arren etor zaitezela, BIHAR LARUNBATA 28, arratsaldeko SEIETAN, BASAURIKO ARIZKO ANDRE MARIAREN parroki-elizan egingo den URTEBETETZE mezara. Aldez aurretik, mila esker.

Helbidea: Ibaigane, 7 - 12. A - BASAURI

2001eko apirilak 27